

ՀԱՂՈՐԴԱԿՑՈՒՄԸ ՈՐՊԵՍ ԱՆՁԻ ՎԱՐՔԻ ԿԱՐԳԱՎՈՐՄԱՆ ՍՈՑԻԱԼԱԿԱՆ ԳՈՐԾՈՆ

ԱՐԱՄ ԽԱՉԱՏՐՅԱՆ

Նոր հասարակարգի կառուցումը հնարավոր չէ պատկերացնել առանց մարդու հոգևոր վերափոխման: Ինչպես ընդգծվեց ՍՄԿԿ Կենտկոմի 1983 թ. հունիսյան պլենումում, «ենդ մարդու ձևավորումը կոմունիստական շինարարության ոչ միայն կարևորագույն նպատակն է, այլև անկապտելի պայմանը»¹:

Անհատական և հասարակական շահերի սկզբունքային հակասությունների վերացումը և դրանց ռացիոնալ զուգակցումը մեր երկրում անձնավորության սոցիալիստական տիպի ձևավորման օբյեկտիվ տնտեսական հիմքն է: Սակայն մեզ մոտ դեռևս կան առանձին անհատներ, որոնք իրենց գործունեության մեջ շեղվում են սոցիալիստական համակեցության նորմերից: Այս տեսակետից ռպարզ է դառնում առանձին անձանց դաստիարակելու, իսկ երբեմն նաև վերադաստիարակելու, սոցիալիստական իրավակարգի, մեր կոլեկտիվիստական համակեցության նորմերի նկատմամբ ոտնձգությունների դեմ պայքարելու աշխատանքի անհրաժեշտությունը²: Դաստիարակության գործը գիտականորեն կազմակերպելու, ինչպես նաև հասարակայնորեն անհրաժեշտ վարքագծից շեղումների պատճառները հայտնաբերելու և վերացնելու համար չափազանց կարևոր է բացահայտել այն գործոնների դերն ու նշանակությունը, որոնց ազդեցության տակ ձևավորվում է մարդը: Այդ գործոնների մեջ էական են հաղորդակցման պրոցեսները:

Անձի վարքագծի սոցիոլոգիական ուսումնասիրությունն անհրաժեշտորեն ենթադրում է մարդկանց միջև եղած հասարակական հարաբերությունների օբյեկտիվ համակարգի վերլուծություն: Այլ կերպ մարդու հասարակական էությունը հնարավոր չէ ըմբռնել: Սակայն որոշակի խնդիրների լուծման համար դա դեռևս բավական չէ: Մարդկանց պրակտիկ գործունեության կազմակերպման ու գիտական կառավարման նպատակով անհրաժեշտ է ուսումնասիրել նաև հասարակական հարաբերությունների և մարդկանց գործունեության ձևերի անձնավորման պրոցեսներն անհատական վարքի մեջ: Քանի որ անձի սոցիալական վարքի դետերմինավորման մեջ կարևոր դեր են խաղում նրա ներքին, սուբյեկտիվ հատկությունները, այդ պատճառով էլ վարքի ուսումնասիրման համար անհրաժեշտ է հետազոտել նաև հաղորդակցման հարաբերությունները, քանզի այդ որակները ձևավորվում և արտահայտվում են հաղորդակցման մեջ:

Ինչպես հասարակության, այնպես էլ առանձին անհատների զարգացման պրոցեսում հաղորդակցումը կարևոր տեղ է գրավում: Այն անձի ձևավորման և նրա վարքի դետերմինավորման կարևորագույն պայմաններից է: Մարդկանց հասարակական կյանքը, նրանց համատեղ գործունեությունն անհնար է առանց հաղորդակցման: Միայն վերջինիս միջոցով կարող է իրականացվել առանձին անհատների բազմակողմանի փոխազդեցությունը և փոխըմբռնումը: Հաղորդակցումն ամեն մի գործունեության անհրաժեշտ և էական հիմքն է: Նրա շնորհիվ մարդիկ իրենց աշխատանքում հասնում են փոխըմբռնման, կազմակերպվածության, փոխանակում են աշխատանքային գործունեության համար

¹ ՍՄԿԿ Կենտրոնական կոմիտեի պլենումի նյութերը, 14—15 հունիսի, 1983 թ., Երևան, 1983, էջ 31:

² Յու. Վ. Անդրոպով, Կարլ Մարքսի ուսմունքը և ՍՄՀՄ-ում սոցիալիստական շինարարության մի քանի հարցեր (սեկինյան ուղիով, 1983, № 3, էջ 14):

անհրաժեշտ իրենց դիրքորոշումները, արժույթային կողմնորոշումները և հրմտությունները: Ինչպես նշել են Կ. Մարքսը և Ֆ. Էնգելսը, «քանի որ պահանջմունքները, այսինքն նրանց բնույթը և բավարարման եղանակները անհատներին միշտ կապել են իրար հետ (հարաբերությունները սեռերի միջև, փոխանակությունը, աշխատանքի բաժանումը), ապա նրանց անհրաժեշտ է եղել միմյանց հետ մտնել հարաբերությունների մեջ»³, այսինքն՝ հաղորդակցվել: Հաղորդակցումը ինչպես գիտակցության, այնպես էլ ինքնագիտակցության ձևավորման կարևորագույն պայմաններից է: Հաղորդակցման պրոցեսում իրագործվում է ոչ միայն մյուս մարդկանց ճանաչումը, այլև ինքնաճանաչումը: Կ. Մարքսը նշել է, որ «մարդը սկզբում իր պատկերը մի ուրիշ մարդու մեջ է տեսնում, որպես հայելիում: Միայն Պողոս կոչված մարդուն՝ որպես իր նմանին վերաբերվելով է, որ Պետրոս անունով մարդը սկսում է իրեն իբրև մարդու վերաբերվել»⁴:

Հաղորդակցումը մարդկանց հարաբերությունների ձևերից է, սոցիալ-հոգեբանական փոխազդեցության պրոցես, որի հետևանքով իրականացվում է սոցիալական փոփոխի փոխանցումը: «Հաղորդակցման պրոցեսը մարդկանց փոխազդեցության մի այնպիսի ձև է, որտեղ վերջիններս (մարդիկ—Ա. խ.) մեկը մյուսի նկատմամբ հանդես են գալիս միաժամանակ (կամ հաջորդաբար) և՛ որպես օբյեկտներ, և՛ որպես սուբյեկտներ»⁵: Ի տարբերություն մարդու գործունեության մյուս ձևերի, հաղորդակցման առանձնահատկությունն այն է, որ այստեղ դրսևորվում են մարդկանց հոգեբանական որակները: Պատահական չէ, որ հենց հաղորդակցման պրոցեսում են ձևավորվում անձի սոցիալական հոգեբանության հիմնական բաղադրիչները:

Հաղորդակցումը չի կարելի դիտարկել գոյություն ունեցող օբյեկտիվ հասարակական հարաբերություններից մեկուսացված ձևով: Իհարկե, այն, որպես այդ հարաբերությունների անհատականացված ձև, օժտված է որոշակի հարաբերական ինքնուրույնությամբ: Այդ մասին է վկայում այն փաստը, որ երբեմն «հաղորդակցման ձևերը, նրա արժույթներն ու նորմերը մի անգամ ծագելով՝ կարող են պահպանվել և վերարտադրվել նույնիսկ այն ժամանակ, երբ անհատացել են նրանց ծնող հասարակական հարաբերությունները»⁶: Բայց վերջին հաշվով հաղորդակցումը պայմանավորված է կոնկրետ հասարակական հարաբերությունների համակարգով: Հաղորդակցման ցանկացած ձև գոյություն ունեցող օբյեկտիվ հասարակական հարաբերությունների կոնկրետ դրսևորումն է: Բանն այն է, որ հասարակական կյանքի հիմքում ընկած է նյութական բարիքների արտադրությունը, որը և մարդկանց գործունեության հիմնական ուղիորտն է: Նրա հիման վրա ծագում և զարգանում են մարդկային գործունեության մյուս բոլոր ձևերը, այդ թվում և հաղորդակցումը: Ինչպես հաղորդակցման բնույթը, այնպես էլ նրա դրսևորման ձևերը պայմանավորված են տվյալ արտադրական հարաբերությունների բնույթով: Անտադոնիստական ֆորմացիաներում հաղորդակցման ձևերի մեջ նկատվում է անձի ներքին մասնատվածություն, մարդկանց ինքնամոտիվացվածություն և այլն: Ընդգծելով հաղորդակցման ձևերի և բնույթի կախվածությունը օբյեկտիվ հասարակական հարաբերություններից՝ մարքսիզմը միաժամանակ գտնում է, որ այդ հարաբերությունները չեն կարող գոյություն ունենալ հաղորդակցման պրոցեսից դուրս: Արտադրական հարաբերությունները չեն կարող գոյություն ունենալ անհատների փոխադարձ հարաբերություններից դուրս, որովհետև «անհատների հենց անձնական, անհատական հարաբերությունը մեկը մյուսի նկատմամբ, նրանց, որպես անհատների; փոխադարձ հարաբերությունն է ստեղծել և շարունակ

³ К. Маркс, Ф. Энгельс, Соч., т. 3, к. 439.

⁴ Կ. Մարքս, Կապիտալ, հ. 1, Երևան, 1954, էջ 60:

⁵ В. Вичев, Мораль и социальная психика, М., 1978, с. 50.

⁶ Л. П. Буюва, Общественные отношения и общение («Методологические проблемы социальной психологии», М., 1975, с. 149).

վերստեղծում է գոյություն ունեցող հարաբերությունները⁷։ Այլ կերպ չի էլ կարող լինել, որովհետև, ինչպես նշել է Վ. Ի. Լենինը, հասարակական հարաբերությունները կազմվում են առանձին անհատների գործողություններից⁸։ Նշանակում է առանց հաղորդակցման հնարավոր չէ ոչ միայն անձի ձևավորումը և զարգացումը, այլև սոցիալական խմբերի, ինչպես նաև հասարակության գոյությունն ամբողջությամբ։ Դեռ ավելին, հաղորդակցումն ինքը հանդես է գալիս որպես հասարակական հարաբերության իրականացման պրոցես⁹։

Հասարակական կյանքում հաղորդակցումը կատարում է տարբեր ֆունկցիաներ։ Բ. Լոմովն առանձնացնում է այդ ֆունկցիաների հրեք հիմնական կարգեր. տեղեկատու-հաղորդակցական, կարգավորական-հաղորդակցական և ներգործուն-հաղորդակցական¹⁰։ Ըստ Բ. Պարիգինի, հաղորդակցման ֆունկցիաները մարդկային էության դրսևորման եղանակ են, մարդու լինելիության և հանրության գոյության գործոն¹¹։ Ելնելով սովետական գրականության մեջ եղած հաղորդակցման ֆունկցիաների դասակարգումներից՝ կարելի է առանձնացնել հետևյալ հիմնական ֆունկցիաները. սոցիալ-գործնական (նկատի է առնվում մարդկանց համատեղ գործունեության համաձայնեցումը), իմացաբանական և տեղեկատու (մարդկանց հոգևոր գործունեության արդյունքների փոխանակումը), սոցիալականացնող, արժույթա-կողմնորոշումային և, վերջապես, սոցիալ-հսկողական։ Քանի որ հաղորդակցումը, որպես մարդկանց փոխազդեցության ձև, որոշվում է հասարակական հարաբերությունների համակարգի բնույթով, ապա անհրաժեշտ է նշել, որ հաղորդակցման ցանկացած դրսևորում իրագործվում է պատմականորեն կոնկրետ և սոցիալականորեն պայմանավորված հաղորդակցման ձևերին համապատասխան և կարգավորվում է հասարակական վարքագծի նորմերով։ Բայց քանի որ հաղորդակցումը գոյություն ունեցող օբյեկտիվ հասարակական հարաբերությունների մեխանիկական աղտացումը չէ, այլ օժտված է հարաբերական ինքնուրույնությամբ, այդ իսկ պատճառով այն հանդես է գալիս նաև որպես անձի սոցիալական վարքի ղեկավարման և կարևորագույն պայման, որի մեջ էլ հենց դրսևորվում է հաղորդակցման սոցիալ-հսկողական ֆունկցիան։ Հաղորդակցման միջոցով հասարակությունն իր անդամներին փոխանցում է վարքի որոշակի նորմեր, որոնք նրանց գործունեության մեջ դառնում են ղեկավարող սկզբունքներ, խրախուսում է հասարակա՞նորեն օգտակար վարքագիծը և դատապարտում հակահասարակական արարքները։ Դեռ ավելին, հաղորդակցումը կարելի է դիտել որպես «մարդկանց վարքի հարաբերականորեն ինքնուրույն և արտակարգ կարևոր հատուկ ձև»¹¹։ Իրա համար էլ հաղորդակցման կարևորագույն ֆունկցիաներից մեկը նրա յուրահատուկ կարգավորիչ ֆունկցիան է։

Հաղորդակցումն ունի կոնկրետ պատմական բնույթ, այդ պատճառով էլ որպես սոցիալական երևույթ նրա բովանդակությունը և դերը հասարակական զարգացման պրոցեսում փոփոխվում են։ Հասարակական կյանքի զարգացման հետ զուգընթաց փոխվում են նաև հաղորդակցման ձևերը, բայց ինչպես էլ որ փոփոխվեն, դրանց միշտ կարելի է հանգեցնել երկու տեսակի. անմիջական և միջնորդավորված շփման։ Իսկ ինչպիսի՞ն է հաղորդակցման այս երկու ձևերի դերը անձի վարքի ղեկավարման և կարգավորման գործում։

Անմիջական հաղորդակցումը սոցիալ-հոգեբանական երևույթ է և մարդկանց վարքագծի վրա միշտ թողնում է ուղղակի ազդեցություն։ Անմիջական

7 К. Маркс, Ф. Энгельс, Соч., т. 3, с. 440.

8 Վ. Ի. Լենին, ԵԼԺ, էջ 514—515։

9 Б. Ф. Ломов, Общение и социальная регуляция поведения индивида («Психологические проблемы социальной регуляции поведения», М., 1976, с. 85).

10 Б. Д. Парыгин, Основы социально-психологической теории, М., 1971, с. 205—213.

11 В. М. Соколов, Общение и его средства («Сознание и общение», Фрунзе, 1968, с. 8).

շփման (միջանձնային հաղորդակցում) էական կողմն այն է, որ որոշակի հասարակական ֆունկցիաների կատարման պրոցեսում այս կամ այն վարքագծի ընտրությունն իրագործվում է այլ մարդկանց ազդեցության տակ: Ինչպես ամեն մի հասարակական աղբյուրություն, այնպես էլ հաղորդակցման կարգավորիչ ազդեցությունն իրականացվում է անձի շարժառիթային ոլորտի, նրա ներքին որակների (կողմնորոշումների, համոզմունքների, պահանջմունքների, ներպատասկների և այլն) փոփոխման ուղիով: Նման փոփոխությունը, ինչպես իրավացիորեն նշվում է մարքսիստական գրականության մեջ, անհնար է իրագործել հրահանգների և տեղեկությունների միջոցով. «Ոչ թե բանավոր խրատները, այլ միայն անհատի՝ ռեալ գործունեության մեջ ընդգրկվելն է հնարավորություն տալիս լուծելու այդ խնդիրը»¹²: Որքանով որ ռեալ գործունեության մեջ անհատի ընդգրկումն անհնար է պատկերացնել անմիջական հաղորդակցման պրոցեսից դուրս, ապա վերջինս պետք է դիտել որպես անձի վարքի դետերմինավորման կարևորագույն լծակներից մեկը:

Անմիջական շփման էական գծերից մեկն այն է, որ տվյալ անձը մշտապես կողմնորոշվում է դեպի իրեն շրջապատող մարդիկ, որոնց արարքները և կարծիքները հանդես են գալիս որպես անձի վարքը կարգավորող գործոն: Այդ պատճառով ամենօրյա հաղորդակցման պրոցեսում անհատն իր արարքները համակերպում է այն սոցիալական խմբի արժույթների և սպասելիքների հետ, որին նա պատկանում է անմիջականորեն: Իսկ երբ անձի վարքը հակասում է այդ սպասելիքներին, ապա դա կարող է առաջ բերել համապատասխան բացասական ռեակցիա և հիմք դառնալ լարվածության ու կոնֆլիկտների համար:

Հաղորդակցման ոլորտում առանձին անհատներն իրար հետ կապված են շահերի, ձաշակների, գնահատականների և հակումների ընդհանրության վրա հիմնված համակրանքի զգացումով: Վարքագծի նորմերի, հակումների, արժույթային կողմնորոշումների միասնությունն էլ հենց այն հիմքն է, որը հնարավոր է դարձնում ընդհանուր նպատակներով և խնդիրներով կապված անհատների փոխադարձ հաղորդակցումը: Ընդ որում, անհատը վարքագծի նորմերը վերցնում է ոչ թե պասիվ դիտարկման, այլ հաղորդակցման ոլորտի մյուս անդամների հետ ունեցած ակտիվ փոխազդեցության շնորհիվ:

Հաղորդակցման մեջ մտնելով, անհատն իրեն համեմատում է մյուս մարդկանց հետ և ինքն աստիճանաբար ու աննկատելիորեն սկսում «վարակվել» հաղորդակցման տվյալ ոլորտում տիրապետող մթնոլորտով ու իրեն պահում է իր ամենօրյա վարքագծին ոչ հատուկ ձևով: Դա տեղի է ունենում կոնֆորմիստական, այսինքն՝ վարքի այնպիսի սոցիալ-հոգեբանական մեխանիզմի գործողության հետևանքով, որը թելադրվում է անձի՝ սոցիալական խմբի (հաղորդակցման ոլորտի) պահանջներին հարմարվելու ձգտմամբ: Դա հետապնդում է մյուս մարդկանց բացասական վերաբերմունքից խուսափելու ներպատակ: Ամբողջ հարցն այն է, որ հաղորդակցումը մարդկանց կենսագործունեության աղբյուրն ու նախադրյալն է և պայմանավորված է կենսական անհրաժեշտությամբ: Այդ հանգամանքը երբեմն անձին ստիպում է հաղորդակցվել մյուս մարդկանց հետ, նույնիսկ եթե նրանց նկատմամբ նա ունի բացասական վերաբերմունք: Սակայն դա միշտ այդպես չէ: Միջանձնային հաղորդակցումը, որպես կանոն, այս կամ այն չափով ազատ ընտրության արդյունք է: Այդ պատճառով էլ մարդու վարքը հաղորդակցման պրոցեսում որոշվում է գլխավորապես գիտակցված շարժառիթներով և հակումներով: Հաղորդակցման պրոցեսում անձի վարքը որոշվում է ոչ միայն շրջապատող մարդկանց անմիջական ազդեցությամբ, այլև հաղորդակցման տվյալ միջավայրում ընդունված նպատակներով, գործունեության խնդիրներով, նրա (միջավայրի) կայուն արժույթային կողմնորոշումներով: Իհարկե, անձն ազատ չէ հույզերի ազդեցությունից, սակայն, ընտրելով այս կամ այն վարքագիծը, նա սովորաբար հաշվի է առնում իր արարքների հնարավոր հետևանքները:

¹² «Социальная психология», М., 1975, с. 231.

Շնորհիվ այն բանի, որ անձը մտնում է հաղորդակցման մեջ՝ ունենալով մինչ այդ արդեն ձևավորված որոշակի նպատակներ, վարքագծի նորմեր, պահանջմունքներ և այլն, նա ոչ միայն հարմարվում է հաղորդակցման տվյալ միջավայրի պահանջներին, այլև ինքն է ազդում շրջապատի մարդկանց վրա՝ ներկայացնելով իր հավակնությունները: Անձը ոչ միայն ձգտում է համերաշխություն, իր արարքների հավանությունը, այլև ինքն է գնահատում և հավանություն տալիս իր ընկերների գործունեությանը, նրանցից տեղեկություններ պահանջում նրանց հետագա գործողությունների մասին: Հենց դրա մեջ էլ դրսևորվում է անձի ակտիվությունը հաղորդակցման պրոցեսում:

Քանի որ հաղորդակցումը տվյալ հասարակության մեջ տիրապետող սոցիալական հարաբերությունների ռեալ կեցությունն է և, հետևաբար, բովանդակում է այդ հասարակության սոցիալ-տիպական գծերը, ուստի այն հանդես է գալիս որպես մարդու համայնման հատկանիշների ձևավորման կարիվորագույն մեխանիզմ: Սակայն հաղորդակցման ֆունկցիան դրանով չի սահմանափակվում. այն հանդես է գալիս նաև որպես անձի անհատական գծերի ձևավորման մեխանիզմ: Եվ այս վերջին ֆունկցիան պակաս կարևոր չէ, որովհետև մարդու անհատականության ձևավորման հետևանքով միայն կարելի է հասնել ցանկալի նպատակին՝ կենսականորեն ակտիվ անձնավորության ձևավորմանը:

Տվյալ սոցիալական խմբում անձի վարքը բնորոշող բոլոր անհատական գծերն այսպես թե այնպես ձևավորվում են մարդկանց միջանձնային հաղորդակցման պրոցեսում: Հաղորդակցումը հասարակական հարաբերությունների ռեալիզացման ձև է, և նրանից դուրս հնարավոր չէ պատկերացնել անձի ձևավորման պրոցեսը: Դա նշանակում է, որ անձի անհատական գծերի ձևավորումը պետք է դիտել որպես հաղորդակցման պրոցեսի անհրաժեշտ հետևանք: Ձևավորվելով հաղորդակցման պրոցեսում, անձի անհատականությունն իր հերթին հանդես է գալիս որպես մարդու վարքի ինքնադետերմինավորման կարևորագույն գործոն: Մարդը, կախված իր սոցիալական դերից, զանազան իրավիճակներում իրեն պահում է տարբեր ձևով: Բայց դրա հետ մեկտեղ նա մըշտապես մնում է ինքն իր հետ: Դա բացատրվում է նրանով, որ անհատը հաղորդակցվելով մյուս մարդկանց հետ, իր գործունեության մեջ առաջնորդվում է ելնելով ոչ միայն շրջապատի մարդկանց սպասելիքներից, այլև դրսևորում է իր անհատականությունը, որի մեջ էլ հենց արտահայտվում է ժառանգականությունը անձի վարքում: Միջանձնային հաղորդակցումը մարդկանց հուզական հարաբերությունների ոլորտն է, և այդ պատճառով էլ նրանց միջև փոխազդեցությունն իրականացվում է հենց մարդկանց անհատական որակների շնորհիվ:

Հաղորդակցման պրոցեսում փոխադարձ ազդեցության աստիճանը շատ բանով կախված է անհատների փոխհարաբերությունների բնույթից և մակարդակից: «Նրբ մենք ուսումնասիրում ենք կոնկրետ անհատի ապրելակերպը,— գրել է Բ. Լոմովը,— մենք չենք կարող սահմանափակվել միայն այն բանի վերլուծությամբ, թե ինչ է ինչպես է եւ տեւում, մենք պետք է հետազոտենք նաև այն, թե ում եւտ է ինչպես է եւ ճաղադակցվում, այսինքն՝ հաղորդակցման այն ոլորտը և եղանակները, որոնց մեջ ներգրավված է նա»¹³: Ահա թե ինչու անձի վարքն ըմբռնելու համար անհրաժեշտ է ամենից առաջ ուսումնասիրել այն սոցիալական խմբերը, որոնց նա պատկանում է, նրա մասնակցության աստիճանն այդ խմբերի գործունեությանը, ինչպես նաև այդ խմբերին բնորոշ արժույթների և չափանիշների համակարգը: Մենք միայն այդ դեպքում կարող ենք ինչ որ չափով դատել անձի հնարավոր վարքի մասին՝ որոշակի իրավիճակներում: Անձի վրա հաղորդակցման պրոցեսի ունեցած ազդեցության արդյունավետությունը կախված է նաև շրջապատող մարդկանց ազդեցության

¹³ Б. Ф. Ломов, Общение как проблема общей психологии («Методологические проблемы социальной психологии», М., 1975, с. 130).

ընկալման նկատմամբ անհատի ունեցած նախատրամադրվածությունից, համապատասխան տեղեկություններ ստանալու և հուզող պրոբլեմների լուծման մեջ նրա ունեցած շահագրգռվածությունից:

Այսպիսով, թեև մարդկանց անմիջական հաղորդակցումը չափազանց կարևոր է և անհրաժեշտ, բայց այն ունի որոշակի սահմանափակություն: Բանն այն է, որ անմիջական շփման դեպքում մարդը չի կարողանում դուրս գալ միկրոմիջավայրի շրջանակներից: Իսկ միկրոմիջավայրը չի կարող լինել անձի ձևավորման հիմնական գործոն, թեպետ նրա բնույթը և, հետևաբար, մարդկանց սոցիալական հոգեբանության մեջ նրա արտացոլման առանձնահատկությունները կախված են, վերջին հաշվով, ընդհանուր հասարակական հարաբերություններից: Ուղղակի հաղորդակցումը մարդուն հնարավորություն չի տալիս ճանաչելու իր հասարակական կյանքը և նրա օրինաչափությունները, տիրապետելու հասարակության կողմից ստեղծված հոգևոր արժեքները, գնահատելու իրեն՝ որպես որոշակի սոցիալական հանրության մասնիկ: Անմիջական հաղորդակցման շնորհիվ մարդը ճանաչում է միայն շոշափելիորեն ընկալվող երևույթները, իրավիճակները, փաստերը և յուրացնում միայն իրեն անմիջականորեն շրջապատող մարդկանց գիտելիքները, փորձը, հմտությունները և այլն:

Մարդկանց կենդանի փոխազդեցությունը թեև ընթանում է պատմականորեն կայուն հասարակական միջավայրի շրջանակներում, բայց չի հանգեցվում այդ միջավայրին, չի սպառվում նրանով: Միջանձնային հաղորդակցման պրոցեսում անձը մնում է անմիջական սոցիալական միջավայրի (կոլեկտիվ, ընտանիք, հարևաններ և այլն) շրջանակներում՝ չբարձրանալով սոցիալական մակրոմիջավայրի մակարդակ: Անմիջական շփման օգնությամբ անձը չի կարող վերստեղծել դասակարգի, ողջ հասարակության ամբողջական նկարագիրը և այդ պատճառով էլ մնում է աշխատանքային, կենցաղային, ընտանեկան, անձնական ամենօրյա պրոբլեմների շրջանակներում: Բացի այդ, ժամանակակից պայմաններում, երբ հասարակությանը խիստ բնորոշ է հարաշարժվածությունը, մարդը ավելի շատ է կախված միջնորդավորված ուղիների միջոցով հաղորդվող տեղեկություններից:

Անմիջական հաղորդակցման սահմանափակությունը հաղթահարվում է հաղորդակցման այլ, այն է՝ միջնորդավորված ձևի միջոցով, որը գրականության մեջ ընդունված է անվանել մասսայական հաղորդակցում: Վերջինս մարդկանց միջնորդավորված փոխազդեցությունն է հասարակական մակրոմիջավայրի մակարդակով, այսինքն՝ հաղորդակցման այնպիսի ձևը, որի ղեկավարում բացակայում է անմիջական անձնական շփումը: Սոցիալական կյանքի բարդացումը, բնակչության թվաքանակի ավելացումը, ինֆորմացիայի աճող ծավալը և հասարակական հարաբերությունների զարգացումն ամբողջությամբ պայմանավորում են մասսայական հաղորդակցման անհրաժեշտությունը: Մասսայական հաղորդակցման միջոցների (ռադիո, կինո, հեռուստատեսություն և այլն) լայն տարածումը հսկայական չափով արագացրել է ինֆորմացիայի փոխանակության պրոցեսները, որի շնորհիվ հասարակական համակեցության նորմերը արագ և արդյունավետ հասցվում են առանձին անհատների գիտակցությանը և ապահովում նրանց միավորումը հասարակական մեկ ամբողջի մեջ: Եթե անմիջական հաղորդակցումն ուղղված է առանձին անհատներին, նրանց վարքի և գործունեության ձևավորմանն ու փոփոխությանը, ապա մասսայական հաղորդակցման առանձնահատկությունն այն է, որ նա ուղղված է դեպի սոցիալական հանրությունը և նպատակ է հետապնդում ձևավորել այս կամ այն անհատի վարքագիծը տվյալ սոցիալական հանրության բոլոր անդամների համատեղ գործունեության պրոցեսում: Մասսայական հաղորդակցման միջոցների օգնությամբ անձը ստանում է ընդհանուր սոցիալական միջավայրի հետ փոխազդեցության մեջ մտնելու հնարավորություն, ընդգրկվում է հասարակական բոլոր հարաբերությունների ամբողջության մեջ:

Դրա շնորհիվ մարդը հարստացնում և զարգացնում է իր սոցիալական փորձը՝ հաղթահարելով իր հոգևոր ուժերի սահմանափակվածությունը:

Մասսայական հաղորդակցման միջոցով հասարակությունը ձգտում է կարգավորել մարդկանց վարքը, հասնել հասարակության բոլոր անդամների գաղափարական ու սոցիալ-հոգեբանական ընդհանրությանը: Ահա թե ինչու մասսայական հաղորդակցումը միշտ ունի նպատակասլաց և պլանավորված բնույթ: Միջնորդավորված հաղորդակցման շնորհիվ մարդը հնարավորություն է ստանում շփման մեջ մտնելու տարբեր ազգերի, մասնագիտությունների, գաղափարական համոզմունքների տեր մարդկանց հետ: Ի տարբերություն անմիջական շփման, մասսայական հաղորդակցման շնորհիվ, մենք կարճ ժամանակի ընթացքում կարող ենք ստանալ և հաղորդել մեծ քանակի տեղեկություններ: Սակայն մասսայական հաղորդակցումը չի կարելի դիտել որպես սոսկ ինֆորմացիայի փոխանակության և տեխնիկական միջոցների օգնությամբ հասարակության տարբեր անդամների միջև սոցիալական կապերի հաստատման պրոցես: Իհարկե, առանց ինֆորմացիայի փոխանակման մասսայական հաղորդակցում չի կարող լինել: Դեռ ավելին, մասսայական հաղորդակցումը ոչ այլ ինչ է, քան ինֆորմացիայի փոխանակման պրոցես: Բայց ինֆորմացիայի փոխանակումն ինքնանպատակ չէ: Այն ունի որոշակի սոցիալական ֆունկցիաներ, որոնք հիմնականում բաժանվում են չորս խմբի. 1) գիտելիքների տարածում իրականության վերաբերյալ, 2) սոցիալական կարգավորում և կառավարում, 3) կուլտուրայի տարածում և 4) զվարճություն¹⁴: Բայց մասսայական հաղորդակցման միջոցների օգնությամբ տարածվող ինֆորմացիան ինչքան էլ որ հարուստ և բազմաբնույթ լինի, ինչքան էլ որ բազմապլան լինեն նրա կոնկրետ խնդիրները, բոլոր դեպքերում դրանք վերջին հաշվով հետապնդում են մեկ նպատակ՝ մարդկանց հայացքների, կարծիքների, համոզմունքների, կողմնորոշումների, գաղափարաքաղաքական, բարոյական և այլ զգացմունքների վրա ազդելը և դրա հիման վրա՝ առանձին անհատների վարքագծի հասարակայնորեն ցանկալի շարժառիթների ձևավորումը: Այդ պատճառով էլ մասսայական հաղորդակցման գլխավոր հասարակական ֆունկցիան, մեր կարծիքով, մարդկանց գործունեության կառավարումն է՝ հասարակության կողմից մշակված վարքագծի սկզբունքներին և նորմերին համապատասխան:

Ըթե անմիջական շփման պրոցեսում անձը իր գործունեությունը կարգավորում է վարքագծի խմբային նորմերին համապատասխան, ապա մասսայական հաղորդակցման հետևանքով մարդը յուրացնում է նաև այն նորմերը, սկզբունքներն ու կանոնները, որոնց օգնությամբ նա պետք է կազմակերպի իր վարքագիծը՝ ելնելով ողջ հասարակության շահերից: Որպես անձի սոցիալականացման պրոցեսի կարևորագույն մոմենտ, մասսայական հաղորդակցումն ազդում է նրա միասնական ներքին կառուցվածքի ձևավորման և դրա շնորհիվ՝ նաև սոցիալական վարքի վրա: Այստեղ խոսքը չի վերաբերում սոսկ որոշակի ծավալ ու բովանդակություն ունեցող ինֆորմացիայի հաղորդմանը և յուրացմանը: Բանն այն է, որ մասսայական ինֆորմացիան ունի ոչ միայն ճանաչողական, այլև երևութների գնահատման, արժեքավորման ֆունկցիա: Այն վերաբերում է նաև մարդու հոգեկանի կառուցվածքին և նրա վարքագծի շարժառիթային կողմերին: Դա նշանակում է, որ հաղորդակցման մասսայական միջոցների օգնությամբ կատարվող ինֆորմացիայի փոխանակությունը գաղափարական համոզմունքների ձևավորման և նրանց՝ վարքագծի դրապատճառների վերածման շատ բարդ պրոցես է: Մասսայական միջոցների օգնությամբ ինֆորմացիայի հաղորդումը չի կարելի դիտել որպես մեկուսացված, ինքնուրույն պրոցես: Անհրաժեշտ է նշել, որ հաղորդակցման անմիջական և միջնորդավորված ձևերը սերտորեն կապված են: Այդ պատճառով, ինչպես ի-

րավացիորեն նշում է Բ. Պարիզինը, «անմիջական հոգեկան շփումը չի կարելի դիտել բազմակիորեն միջնորդավորված սոցիալական կապերի և հարաբերությունների կոնտեքստից դուրս»¹⁵:

Անմիջական անձնական կապերը հաղորդակցման միջնորդավորված ձևերի նկատմամբ թեև զրավում են ենթարկյալ դիրք, սակայն դրանց տարրերն իրենց նշանակությունը պահպանում են նաև միջնորդակցման միջնորդավորված ձևերը դեպքում: Բանն այն է, որ շնայած հաղորդակցման միջնորդավորված ձևերը մարդու սոցիալականացման կարևորագույն միջոցներն են, այնուամենայնիվ, չի կարելի մոռանալ, որ դրանք, ինչպես և անմիջական շփումը, վերջին հաշվով, հարաբերություններ են անձնավորությունների միջև, այսինքն՝ արդեն ձևավորված հոգեբանական դիրքորոշումների, արժույթային կողմնորոշումների, նորմերի, որոշակի գիտելիքների և շահերի տեր մարդկանց միջև: Միջնորդավորված ճանապարհով ստացած ցանկացած ինֆորմացիա մարդը միշտ հարաբերում է մյուս մարդկանց կարծիքների, գնահատականների հետ, և դա երբեմն որոշում է անհատի վերաբերմունքը ստացված ինֆորմացիայի նկատմամբ: Այլ կերպ ասած, ինֆորմացիան մարդուն հասնում է ոչ թե ուղղակիորեն, այլ բեկվում է անձնավորության հոգեկար աշխարհում և միջնորդավորվում խմբային նորմերով: Որպես կանոն ընկալվում և յուրացվում է միայն այն ինֆորմացիան, որը համապատասխանում է խմբային նորմերին և դիրքորոշումներին: Անձնավորության ընդհանրապես բնորոշ է այն, որ նա իր ստացած ինֆորմացիան գնահատում է իր պահանջմունքների, հուզերի, նախորդ փորձի տեսանկյունից: Ինչպես ցույց են տալիս հետազոտությունները, այն դեպքերում, երբ «հաղորդակցվողի կարծիքը հակասում է խմբակային դիրքորոշումներին, մարդը պարզապես չի ընկալում հաղորդողի տեսակետը»¹⁶:

Հաղորդակցման մասսայական միջոցների օգնությամբ ինֆորմացիայի հաղորդումը բարդ և բազմակողմանի պրոցես է: Նրա արդյունավետությունը կախված է շատ գործոններից, որոնք, մեր կարծիքով, հիմնականում կարելի է դիտարկել հետևյալ տեսանկյուններից. 1) մասսայական հաղորդակցման միջոցներն ինչպես են նպաստում զարգացման տվյալ փուլում հասարակության կողմից առաջ քաշված խնդիրների իրականացմանը, 2) ինչպիսին է լսարանի վերաբերմունքը ստացված ինֆորմացիայի նկատմամբ, 3) ինչպիսին է մասսայական ինֆորմացիայի՝ կյանքի իրադարձություններին միջամտելու արդյունքը և ինչ տավորություն է թողնում այդ միջամտությունը հասարակական կարծիքի վրա, ինչպես է մոբիլիզացնում այն (հասարակական կարծիքը)՝ կյանքի դրական երևույթների ամրապնդման գործում կամ պայքարի մղում հակահասարակական երևույթների դեմ: Առաջին ասպեկտի դեպքում արդյունավետությունը բնորոշվում է այնպիսի հատկանիշով, ինչպիսին հաղորդակցման մասսայական միջոցների՝ հասարակության առաջ քաշած հրատապ պրոբլեմների բնագավառում ծավալած աշխատանքի գործնականությունն է: Երկրորդ դեպքում՝ մասսայական հաղորդակցման արդյունավետությունը կախված է լսարանի՝ հաղորդվող ինֆորմացիայի ընկալման մեջ ունեցած շահագրգռվածությունից: Եվ երրորդում՝ մասսայական ինֆորմացիայի արդյունավետությունն ապահովվում է միայն այն դեպքում, երբ մասսայական հաղորդակցման միջոցներն ինֆորմացիան ընդունողների հասարակական և անձնական հարցերի վերաբերյալ քննադատական դիտողություններին անդրադառնում են ժամանակին:

Այսպիսով, մասսայական հաղորդակցման արդյունավետությունը, նրա ազդեցությունը մարդկանց վարքի և գիտակցության վրա, ընդհանուր առմամբ, կախված է այն քաղաքական, սոցիալ-տնտեսական պայմաններից, որտեղ այն իրագործվում է: Այդ պատճառով մասսայական հաղորդակցման միջոցները

¹⁵ Б. Д. Парыгин, Научно-техническая революция и личность, М., 1978, с. 126.

¹⁶ В. Н. Кунцына, Человек в мире информации («Социальная психология личности», Л., 1974, с. 159).

օգնությունը ինֆորմացիայի հաղորդման կազմակերպման ժամանակ շատ կարևոր է հաշվի առնել հասարակական հոգեբանության վիճակը: Անհրաժեշտ է նաև, որ մասսայական հաղորդակցման բոլոր տեսակները լինեն փոխկապակցված և հանդես գան որպես վարքի հասարակայնորեն նշանակալից նորմերի մշակմանը նպաստող ազդեցություն և հուզական միջոցների մի միասնական ամբողջություն: Մասսայական հաղորդակցումը միայն այս դեպքում կարող է առաջնությունը արդյունք:

ОБЩЕНИЕ КАК СОЦИАЛЬНЫЙ ФАКТОР РЕГУЛЯЦИИ ПОВЕДЕНИЯ ЛИЧНОСТИ

АРАМ ХАЧАТРЯН

Резюме

Общение является одним из важнейших условий формирования и существенным фактором социальной детерминации поведения личности. Все формы общения можно свести к двум видам—непосредственного и опосредованного контакта. Непосредственное общение обеспечивает живое взаимодействие между людьми. Но при непосредственном контакте личность остается в кругу ежедневных проблем. Эта ограниченность преодолевается опосредованной формой общения, благодаря чему личность получает возможность взаимодействовать с общей социальной средой. Единство и взаимосвязь непосредственной и опосредованной форм общения способствуют многогранной связи личности со всеми сторонами общественной жизни, благоприятствуют усвоению членами общества принятых в данной среде норм и мотивов поведения, необходимых для социально-значимой деятельности людей.